

24 《大乘無量壽經解》  
發大誓願第六之餘  
必成正覺第七之一

佛陀教育基金會 假日佛學院  
2025 年 10 月 25 日

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

## 二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(攝受佛土)
	殊勝大願	發大誓願第六( 48 大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
皆願作佛第十(聞經緣勝)		
二、極樂依正・清淨莊嚴		
三、三輩往生・菩薩禮供		
四、二土欣厭・重重誨勉		
五、得失雙辨・攝聖顯智		

# 發大誓願第六・科判（雪公《眉注》）

(1)01～12願	往生報身之妙。
(2)13～17願	佛德莊嚴涵濡。（涵濡：滋潤、沉浸）
(3)18～27願	聞名普益。 （以名號助眾生成就世出世利益及往生）
(4)28～36願	眾生來生獲法之益。 （極樂眾生的功德受用）
(5)37～41願	物華莊嚴之享樂。（依正二報莊嚴）
(6)42～43願	香光普攝十方眾生。（香光莊嚴）
(7)44～48願	助十方菩薩圓成佛果。 （亦以名號助菩薩成就功德）

《會集本》		《魏譯本》
廿一	42徹照十方願	31照見十方願
廿二	43寶香普熏願	32寶香妙嚴願
廿三	44普等三昧願	45普等三昧願
	45定中供佛願	42清淨解脫願
廿四	46獲陀羅尼願	34聞名得忍願
	47聞名得忍願	44修行具德願
		48得三法忍願
	48現證不退願	47聞名不退願

# 【發大誓願第六】 經文之廿三（夏會本）

我作佛時，  
十方佛剎諸菩薩眾，聞我名已，  
皆悉逮得清淨、解脫、普等三昧，諸深總持。  
住三摩地，至於成佛。  
定中常供無量無邊一切諸佛，不失定意。  
若不爾者，不取正覺。

四十四、普等三昧願。四十五、定中供佛願。

# 【發大誓願第六】之廿三 (6/8)

《會疏》以清淨三昧、解脫三昧、普等三昧  
為念佛三昧。蓋念佛三昧為寶王三昧。

具足一切三昧功德，自當同具種種三昧之名也。

「三昧」，即三摩地，譯為正定、正受。  
(詳解見第二品。)

「總持」，即陀羅尼，謂持善不失，持惡不生，  
並能持無盡義。(詳解見第二品。)  
深妙之總持，故曰深總持。

十方菩薩，因聞名故，得諸三昧，與深總持，  
安住定中，得成正覺，故曰「至於成佛」。

# 【三摩地・陀羅尼】

三昧、三摩地、 三摩提、三摩帝	陀羅尼、總持
三昧即心定於一處 故稱『定』	能持者，集種種善法 能持令不散不失
遠離惛沈、掉舉，而保持平等的心 故稱『等持』	能遮者，惡不善根心生 能遮令不生
正受所觀之法，故稱『正受』	三昧，定也。定力發慧 所得，說為陀羅尼
調整散亂的心使正直 故稱『調直定』	是三昧修行， 習久後能成陀羅尼。
正心之行動，使合於法的依處 故稱『正心行處』	是諸三昧，共諸法實相 智慧，能生陀羅尼。
息止緣慮，凝結心念 故言『息慮凝心』	得聞持陀羅尼， 雖心瞋恚亦不失



# 【發大誓願第六】之廿三 (7/8)

第四十五「定中供佛願」。定中供佛，不失定意，同於〈德遵普賢品〉中「住深禪定，悉睹無量諸佛」。正是普賢大士甚深境界。

《往生論註》云：

「八地以上菩薩常在三昧，以三昧力，身不動本處，而能遍至十方，供養諸佛，教化眾生。」

望西師謂住定供佛：「約常途者，初地以上。」

又曰：「初地以上雖有此德，八地以上是無功用。」

蓋謂初地菩薩雖初有此德，但尚不能全離功用，八地以上才是無功用道。

## 【無功用道】

如《十地經》卷六說十地中的第八不動地：

「譬如海船未至大海，以有功用排牽而去，  
若至海已，則無功用任運而行。

以於大海風輪飄汎，一日所行，此比於前  
有功用時，設經百歲，不能爾所無量而至。」

在菩薩十地中，七地以前的菩薩雖修無相觀，然尚  
須藉方便加行，故稱有功用，八地以上則稱無功用。  
然若就佛果而言，八地以上亦屬有功用，

唯有佛果是無功用。又，

天台宗以別教初地以前及圓教初住以前為有功用，  
若別教初地證道，同圓教初住，則為「無功用」。

～《中華佛教百科全書》

# 十地經論・無功用行之階位

十地	初地	二地	三地	四地	五地	六地		七地	八地	九地	十地
空・有	空有難並觀				空有能並觀						
有相 無相	有相觀多 無相觀少					有相觀少 無相觀多		純無相觀			
有功用行 無功用行	有功用行								無功用行		
備註	天台宗別教初地以上及圓教初住以上為無功用										

# 【發大誓願第六】之廿三 (8/8)

《會疏》謂他方新發心菩薩，因聞彌陀名號，  
頓登上地菩薩，得諸三昧，住定供佛。

《疏》曰：「縱雖新發意菩薩，聞名字人，  
能得定慧相即，真俗相照，頓得上地菩薩也。」

又《文殊說般若經》曰：「念一佛功德無量無邊，  
亦與無量諸佛功德無二，不思議佛法等無差別。  
皆乘一如成最正覺，悉具無量功德、辯才。  
如是入一行三昧（即念佛三昧）者，  
盡知恆沙諸佛法界無差別相。」云云。

於三昧中，遍知諸佛世界差別相，正與住定供佛同旨。

# 【住定供佛】

【雪廬老人眉註】：

見相多有貪著、失定者。

45願「定中供佛願」

故知：依此願力，則不失定意。

又須與前11願「徧供諸佛願」合參(p.288)。

此被十方佛刹諸菩薩眾；彼攝極樂眾生。

彼得神通自在，一念頃周徧巡歷供養諸佛；

此住三昧定中，供無量無邊諸佛。

又與前38願「應念受供願」合參(p.343+345)。

彼願特別強調者為：

不須遍至他國，諸佛即可應念而受供矣！

《會集本》		《魏譯本》
廿一	42徹照十方願	31照見十方願
廿二	43寶香普熏願	32寶香妙嚴願
廿三	44普等三昧願	45普等三昧願
	45定中供佛願	42清淨解脫願
廿四	46獲陀羅尼願	34聞名得忍願
	47聞名得忍願	44修行具德願
		48得三法忍願
	48現證不退願	47聞名不退願



# 【發大誓願第六】 經文之廿四（夏會本）

我作佛時，  
他方世界諸菩薩眾，聞我名者，  
證離生法，獲陀羅尼。

清淨歡喜，得平等住，修菩薩行，具足德本。  
應時不獲一二三忍，

於諸佛法，不能現證不退轉者，不取正覺。

四十六、獲陀羅尼願。四十七、聞名得忍願。

四十八、現證不退願。

# 【發大誓願第六】 經文之廿四（魏譯本）

34 設我得佛，十方無量不可思議諸佛世界眾生之類，聞我名字，不得菩薩無生法忍、諸深總持者，不取正覺。

44 設我得佛，他方國土諸菩薩眾，聞我名字，歡喜踊躍，修菩薩行，具足德本；若不爾者，不取正覺。

48 設我得佛，他方國土諸菩薩眾，聞我名字，不即得至第一、第二、第三法忍，於諸佛法不能即得不退轉者，不取正覺。

47 設我得佛，他方國土諸菩薩眾，聞我名字，不即得至不退轉者，不取正覺。



# 【四十六、七、八願】

## 【雪廬老人眉註】

46願：極樂之菩薩，證忍不退，自然平等。

一說前第十二願乘願他方化眾之菩薩，  
雖不重回極樂，亦使得到一生補處。

一說他方菩薩聞彌陀度生願力之普之大，  
咸起希有之心，趨步彌陀，心既投入彌陀願海，  
自感彌陀加攝也，故速得忍。

47願：聞名生信，歡喜得住。

以信念彌陀化他。能普化他，德本方足。

48願：以化他之功故得斯果，不必待往生以後也。

44-48：以上兩願(章)，係助十方菩薩圓成佛果。

# 【發大誓願第六】之廿四 (1/18)

右章具三願。

「獲陀羅尼」以上，為第四十六「獲陀羅尼願」。

「一二三忍」以上，為第四十七「聞名得忍願」。

此下，為第四十八「現證不退願」。

第四十六願，「離生」者，離生死也。

三乘行人，入於見道。因見諦理，斷見思惑，

永離三界之生，是云正性離生。

《萬善同歸集》云：

證離生法，  
獲陀羅尼。

「齊登解脫之門，咸闡離生之道。」

十方菩薩，以聞名故，皆證此離生之法。

並得「陀羅尼」。陀羅尼，即「總持」，見前釋。

## 【正性離生】

見道的異名。

所謂「**正性**」，係指涅槃、**無漏聖道**，  
是說聖道等，其性正純而不邪曲。  
「**離生**」者，「生」是煩惱的異名，  
**斷除**由「分別」而生起的煩惱。

一說謂「**離生**」，係指**脫離凡夫之生**。

蓋入**見道位**則得聖道涅槃的正性，遠離煩惱之生。  
概括而言，不只是見道，即使是修道、無學道亦有正性離生之義。但因見道為其初，意義較為偏重，故成為「**正性離生**」的異名。

～《中華佛教百科全書》

# 【發大誓願第六】之廿四 (2/18)

陀羅尼有四：

一、法陀羅尼，於佛之教法聞持不忘。

二、義陀羅尼，於諸法之義總持不忘。

三、咒陀羅尼，咒陀羅尼有五名，據《秘藏記》意，  
五名者(一)陀羅尼，(二)明，(三)咒，(四)密語，(五)真言。

陀羅尼者，佛放光時，光中所說也。是故陀羅尼與明，  
其義不異。持陀羅尼人，能發神通，除災患，與此方  
咒禁法相似，故曰咒。凡夫二乘不能知，故曰密語。

真言者，如來之言，真實無虛，故曰真言。

四、忍陀羅尼。於法之實相安住，謂之忍。持忍名為  
忍陀羅尼。十方聞名大士，皆得如上陀羅尼，安住於  
諸法實相，故云「獲陀羅尼願」。

證離生法，  
獲陀羅尼。

# 【發大誓願第六】之廿四 (3/18)

第四十七「聞名得忍願」。

「清淨」者，無染無著之本然。

「歡喜」者，適悅在心，寂滅為樂也。

清淨歡喜，得平等住。

「平等」者，

淺言之，則為離諸高下、深淺、大小、  
親疏、智愚、迷悟種種差別，曰平等。

進言之，則真如周遍，萬法一如，  
心、佛、眾生，三無差別。



# 【發大誓願第六】之廿四 (4/18)

《往生論註》曰：「平等是諸法體相。」

又曰：「眾生見阿彌陀如來相好光明身者，  
如上種種身業繫縛皆得解脫，  
入如來家，畢竟得平等身業。」

「聞阿彌陀如來至德名號說法音聲，  
如上種種口業繫縛皆得解脫，  
入如來家，畢竟得平等口業。」

「若遇阿彌陀如來平等光照，  
若聞阿彌陀如來平等意業，  
是等眾生如上種種意業繫縛皆得解脫，  
入如來家，畢竟得平等意業。」

## 【發大誓願第六】之廿四 (5/18)

蓋謂十方大士，若於阿彌陀如來，睹相、聞名、見光、知意者，皆入如來之室，得畢竟平等之業。

與此願之「聞我名者，證離生法，獲陀羅尼，清淨歡喜，得平等住」，全然一味。

以聞名故，得住平等法中，即住於諸法實相也。

又《漢譯》稱阿彌陀佛為無量清淨平等覺。

故知十方大士，聞佛名號，至心信樂，以平等心，念平等覺，如是安住，亦是「得平等住」之義也。

此一句佛號即是實相，即是法界全體，

即是諸法平等體性。但能念念相繼，念而無念，無念而念，故曰「得平等住」。

# 【得平等住】

住平等法中，住於諸法實相。

依法相宗，謂轉第七末那識為「平等性智」，  
未轉識成智以前，我見、我愛、我慢、我癡四煩惱  
與末那識恆常相應，以自我為主，充滿我執分別。

若有「平等性智」，依此智慧而了知一切事相  
及自他悉皆平等，大慈悲心恆共相應。

若依《華嚴經》、《大般若經》、《大乘起信論》等，  
諸法本性是寂靜、不生不滅，  
是離言說相、心緣相，畢竟平等，唯一『真如』。



# 【法界全體】

《淨土生無生論》：「法界圓融體，作我一念心，  
故我念佛心，全體是法界。」

「行者念佛之時，此心便是圓融清淨寶覺，  
以此妙心念彼阿彌，則彼三身，何身不念？  
求彼四土，何土不生？

但隨功行淺深，品位高下耳。」

「蓋由法界圓融不思議體，作我一念之心，  
亦復舉體作生、作佛、作依、作正。  
既皆全體而作，有何一法不即法界？

故曰：『一塵法界不小，剎海法界不大，  
多亦法界，少亦法界。』

是以西方十六諸境、吾心事理二觀，  
一一無非法界全體。」

# 【發大誓願第六】之廿四 (6/18)

如是心行，是菩薩行，輾轉教授，同歸極樂。  
普惠眾生真實之利，故曰「修菩薩行」。

如是修行，自然具足一切佛果之功德根本，  
故云「具足德本」。

如《會疏》曰：

「一、菩薩六度，一切功德之本。故名德本。

二、選擇攝取果號，能流出六度萬行，

為眾德本原(此乃以持佛號為德本)，故名德本。」

## 【發大誓願第六】之廿四 (7/18)

「一二三忍」。忍，安忍也。

《魏譯》云：「第一，第二，第三法忍。」

「法忍」者，法為所證之理，心安於法為忍。

《大乘義章九》云：「慧心安法，名之為忍。」

此上法忍，諸家之說不一，有深淺之別。

例如《仁王經》明五忍：

一伏忍，二信忍，三順忍，四無生法忍，五寂滅忍。

《仁王經私記》云：

「初地、二地、三地得無漏信，名信忍。

四、五、六地趣向無生，名順忍。

七、八、九地，諸念不生，名無生忍。

十地、妙覺，得菩提果，名寂滅忍。」

# 無生法忍之修行階位

無量壽經  
三忍

音響忍 · 柔順忍 · 無生法忍

仁王經  
五忍

伏忍 · 信忍 · 順忍 · 無生法忍 · 寂滅忍  
(三賢 · 一至三地 · 四至六地 · 七至九地 · 十地及佛果)

華嚴經  
十忍

音聲忍

順忍

無生法忍

如幻忍

如焰忍

如夢忍

如響忍

如影忍

如化忍

如空忍

無生法忍

天台：圓教初住，別教初地，開始分斷無明分證法身。  
華嚴：七地修圓滿之後，入無生法忍境界，躍生八地。

# 【發大誓願第六】之廿四 (8/18)

古注經家中，

有認為伏忍、信忍、順忍，即本經之三忍者；

甚至有以最初伏忍之上中下三位，為本經之三忍者。

蓋皆不許他方菩薩聞佛名號，

應時即得一忍，二忍，乃至無生法忍也。

但據經文，此三忍中，包括無生法忍，實無可疑。

《魏譯》第三十四願曰：「設我得佛，十方無量  
不可思議諸佛世界眾生之類，聞我名字，  
不得菩薩無生法忍，諸深總持者，不取正覺。」

# 【發大誓願第六】之廿四 (9/18)

《宋譯》文：「聞我名者，應時即得初忍、二忍，  
乃至**無生法忍**。成就阿耨多羅三藐三菩提。」

可見願文中之第三法忍，決定是**無生法忍**也。

又據《論註》曰：

「即見彼佛，未證淨心菩薩（指初地至七地），  
畢竟得證**平等法身**。」

（又曰：「**平等法身**者，八地以上法性生身菩薩也。」）

又曰：「聞阿彌陀如來至德名號…畢竟得**平等口業**。」

皆是**聞佛名號**，得證**無生法忍**之明證。



# 【平等法身】 (1/2)

《無量壽經優婆提舍願生偈註》卷2：

「**平等法身**者，**八地已上**，法性生身菩薩也。

**寂滅平等**者，即此法身菩薩所證**寂滅平等之法**也。

……以三昧神力，能一處一念一時遍十方世界，

種種供養一切諸佛及諸佛大會眾海，

能於無量世界無佛法僧處，

種種示現種種教化，

度脫一切眾生，常作佛事。

初無往來想、供養想、度脫想，

是故此**身**名為**平等法身**，此**法**名為**寂滅平等法**也。

## 【平等法身】 (2/2)

未證淨心菩薩者，

初地已上，七地已還諸菩薩也。

此菩薩亦能現身若百若干、若萬若億、

若百千萬億，無量佛國土施作佛事，

要須作心入三昧乃能，非不作心。

以作心故，名為未得淨心。

此菩薩願生安樂淨土，即見阿彌陀佛。

見阿彌陀佛時，與上地諸菩薩畢竟身等、法等。」



# 【發大誓願第六】之廿四 (10/18)

無生法忍，略云無生忍。

真智安住於無生無滅之實相理體而不動，  
謂之無生法忍。

《智度論五十》曰：

「無生法忍者，於無生滅諸法實相中，信受通達，  
無礙不退，是名無生忍。」

又《智度論七十三》曰：

「無生忍者，乃至微細法不可得，何況大！是名無生。  
得此無生法，不作不起諸業行，是名得無生法忍。」

又《大乘義章十二》曰：

「理寂不起，稱曰無生。慧安此理，名無生忍。」

## 【無生法忍】 (1/2)

又稱**無生忍**。指對無生之法理的認知。  
即徹底認知空、實相之真理而安住之。  
亦即對一切法不生不滅之理，能夠確切地掌握之謂。  
此處之「**忍**」，是「**確認**」、「**肯定認可**」之意，  
是一種智慧，**不同於「忍辱」**。  
此「忍」字，為透徹的「認」知，  
亦即能夠對事及理在內心中認得清清楚楚，  
並能安住此理而不動，這便是忍；  
所以忍是智慧的別名。  
能夠證悟一切法不生不滅的智慧，  
即稱之為「**無生法忍**」。

## 【無生法忍】 (2/2)

如何解「無生」理？

- (1) 空性、無自性：無有實體故。
- (2) 如夢、幻、泡、影：虛幻無實故。
- (3) 本來無生：如依水起波，波本無生，唯是水起故。
- (4) 中道第一義故：八不中道 -

不生不滅，不斷不常，不一不異，不來不出。

如穀與芽、泥與瓶，不一不異；

穀不作芽、泥不作瓶。穀子中芽，無所從來。

若有來者，芽應從餘處來，如鳥來棲樹，而實不爾。

故知：一切法本來無生，以有虛妄執著故，

誤認實有法從緣所生；現已得此「無生法」理

並安住之，稱為得證「無生法忍」。

# 【發大誓願第六】之廿四 (11/18)

又《楞嚴經長水疏一》曰：

「了法無生，印可決定，名無生忍。」

又《大乘義章十二》曰：

「如龍樹說，初地以上亦得無生。」

若依《仁王》及與《地經》，無生在七、八、九地。」

《宋譯》曰：

「聞我名號證無生忍，成就一切平等善根，住無功用離加行故，不久令得阿耨多羅三藐三菩提。」

望西釋曰：既云無功用，知證第八地。

故知本經之第三忍，即《仁王經》之無生法忍。

若據望西師意，則位當八地也。

# 【發大誓願第六】之廿四 (12/18)

望西曰：「問：以聞名力，豈得無生？」

答：佛願力故。如《十住論》云：

『過去無數劫，有佛號海德。今現在十方，  
各得成正覺。皆從彼發願，聞名定作佛。』」

上之論證，妙顯他力，佛願加被，  
使聞名者，證無生忍，定當作佛。

且聞不是但聞，必能起行。

例如《涅槃疏廿一》云：

「若聞常住二字，生生不墮者，聞有多種，  
若深能思惟，如說行者，即生生不墮。」

意為：聞後能深思惟，並如說修行，始能得生生不墮之益。  
可見聞之一字，意兼信受，不僅是一經於耳也。



# 【聞・意兼信受】

《阿彌陀經要解》：

所言局者，如《占察經》云：

若雜亂垢心，雖復稱誦我之名字，而不名為聞，  
以不能生決定信解，但獲世間善報，不得廣大深妙利益。  
若到一行三昧，則成廣大微妙行心，  
名得相似無生法忍，乃為得聞十方佛名。  
此亦應爾，故須聞是經已，  
受持此經所示執持名號之法，  
持至一心不亂方得聞諸佛名，方為一切諸佛所護念也。

所言通者，諸佛慈悲不可思議，名號功德亦不思議，  
故一聞佛名，不論有心無心、若信若謗，皆成緣種。

# 【發大誓願第六】之廿四 (13/18)

今願文之「一二三忍」，  
實即本經〈菩提道場第十五品〉中之三種忍，  
一音響忍，二柔順忍，三者無生法忍。

《無量壽經鈔五》曰：

一音響忍，由音響而悟解真理者。  
二柔順忍，慧心柔軟，能隨順真理也。  
三無生法忍，證無生之實性，而離諸相者。  
是悟道之至極也。

此三忍當於第十五品中詳論之。

# 【發大誓願第六】之廿四 (14/18)

第四十八「現證不退願」。

願曰：「於諸佛法，不能現證不退轉者，不取正覺。」

不退轉者，所修之功德善根，愈增愈進，不更退失，略云不退。即梵語之阿鞞跋致（詳見前註）。蓋以菩薩行願，難發易退。

據《仁王經》別教之信位菩薩，名為輕毛菩薩，隨風東西。

又南本《涅槃》曰：

「無量眾生發阿耨菩提心，見少違緣，於阿耨菩提即便動轉；如水中月，水動即動。」



# 三不退・天台圓教與別教之階位

一心 不亂	斷分 九品	圓證 三不退	圓教階位	別教階位
理一心	無明惑	念不退 (不退權教菩薩)	妙覺 (究竟即佛)	
			初住～等覺 (分證即佛)	等覺、妙覺 初地～十地
事一心	塵沙惑	行不退 (不退二乘)	八信～十信 (相似即佛)	八住～十迴向
	見思惑	位不退 (不退凡夫)	五品～七信 (名字觀行相似)	初住～七住

通途法門：須斷見惑，登位不退；斷見思惑，才出三界。

淨土法門：信願持名，伏惑往生即出三界，即得位不退。

# 【發大誓願第六】之廿四 (15/18)

又喻曰：譬如魚母，多有胎子，成就者鮮。

如庵羅樹，花多果少。

眾生發心，乃有無量。及其成就，少不足言。

故云：「魚子庵羅花，菩薩初發心，  
三事因中多，及其結果少。」

又《菩薩十住斷結經》：

「(節錄)時舍利弗告來會菩薩：

我曩昔，或從一住進至五住，

還復退墮而在初住。

復從初住至五六住。

如是經六十劫中，竟不能到不退轉。」

# 【發大誓願第六】之廿四 (16/18)

又《寶雨經》曰：

「(節錄)有世界名娑婆，其國有佛名釋迦牟尼，  
若諸有情聞彼名，於阿耨菩提得不退轉，  
由彼如來本願力故。」

古代澄憲師讚此願為「釋尊五百大願之中，最勝願也。」  
可見兩土導師同發此最勝之願，正是「一路涅槃門」也。  
蓋以無量菩薩未到不退之位，雖極勇猛如救頭燃，  
但以障緣競來，屢屢退轉，  
遂令學道者如牛毛，得道者如麟角。  
彌陀因地憫其勤苦，發無上願，以佛威德，  
令聞名人，即得三忍，證不退轉。

# 【寶雨經・但聞佛名, 得不退轉】 (1/2)

《佛說寶雨經》卷1:

(佛言) 「其中有佛號釋迦牟尼如來……

若諸有情聞彼佛名, 於阿耨多羅三藐三菩提得不退轉……其有眾生遇斯光者, 身心悅樂。

……由彼如來往昔修菩薩行時, 發是誓願:

『若我得成佛已, 一切有情聞我名者,  
皆於阿耨多羅三藐三菩提得不退轉! 』」

止蓋菩薩白其佛(蓮花眼如來)言: 「世尊! 若如是者, 彼世界中諸有情等但聞佛名, 皆於菩提不退轉耶? 」

佛言: 「不也! 」

# 【寶雨經・但聞佛名, 得不退轉】 (2/2)

止蓋菩薩言：「世尊! 彼諸眾生既已預聞彼佛名號，  
云何於中有退、不退？」

佛言：「善男子! 但使得聞如來名號，  
皆與彼作不退因緣，是故亦名阿鞞跋致。  
善男子! 譬如植種，未經腐敗，至彼後時，  
水土和合。於意云何，如是種子名為生不？」

止蓋菩薩白其佛言：

「世尊! 如是種子無有損壞，若遇因緣而定得生。」

佛言：「善男子! 如是，如是! 彼諸眾生由聞佛名，  
必定當成阿鞞跋致，得授阿耨多羅三藐三菩提記。」

## 【發大誓願第六】之廿四 (17/18)

原在退位，乘佛願力，唯進不退，疾至菩提，實為大慶。

又《會疏》曰：

「謂難思願力，一得一切得，不退與三忍，同時具足故。」

深顯彌陀一乘願海、究竟方便之妙用。

又《十住毘婆沙論》曰：

「若人疾欲至不退轉地者，應以恭敬心，執持稱名號。」

又《小本》曰：

「若有人已發願，今發願，當發願，欲生阿彌陀佛國者，是諸人等，皆得不退轉於阿耨多羅三藐三菩提。」



# 【發大誓願第六】之廿四 (18/18)

又《會疏》曰：

「謂三忍不退，悉攝在名號中。

稱名時，名義不離，自得此等德。」

可見凡聞名者，但能信願持名，亦悉能現證不退。  
彌陀一乘願海，妙德難思。六字洪名，究竟方便。

四十八願，願願攝眾生，願願顯真實。

分之則為四十八，合之則為一法句；  
一法句者清淨句，真實智慧無為法身。

## 二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(攝受佛土)
	殊勝大願	發大誓願第六(四八大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
		皆願作佛第十(聞經緣勝)

二、極樂依正・清淨莊嚴

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

# 必成正覺第七・科判

偈頌之前言（法藏比丘・說此願已）		
偈頌初 立誓必滿大願		(1首)
偈頌中 立誓令 一切眾生 皆成佛	初、總說(普濟群生,成就菩提)	(1.5首)
	二、攝生來剎修行→無量壽	(2.5首)
	三、以佛化德自要→無量光	(3首)
	四、願己福智同佛→滿所願	(2首)
偈頌後 結求感動現瑞		(1首)
偈頌之後語（六種震動・天雨妙華）		

# 【必成正覺第七】經文 (1/2) (夏會本)

佛告阿難：爾時法藏比丘說此願已，以偈頌曰：

01我建超世志，必至無上道，斯願不滿足，誓不成等覺。

02復為大施主，普濟諸窮苦，令彼諸羣生，長夜無憂惱。

03出生眾善根，成就菩提果，我若成正覺，立名無量壽。

04眾生聞此號，俱來我剎中，如佛金色身，妙相悉圓滿。

05亦以大悲心，利益諸羣品，離欲深正念，淨慧修梵行。

# 【必成正覺第七】 經文 (2/2) (夏會本)

- 06願我智慧光，普照十方刹，消除三垢冥，明濟眾厄難。  
07悉捨三途苦，滅諸煩惱暗，開彼智慧眼，獲得光明身。  
08閉塞諸惡道，通達善趣門，為眾開法藏，廣施功德寶。  
09如佛無礙智，所行慈愍行，常作天人師，得為三界雄。  
10說法師子吼，廣度諸有情，圓滿昔所願，一切皆成佛。  
11斯願若剋果，大千應感動，虛空諸天神，當雨珍妙華。

佛告阿難：法藏比丘，說此頌已，

應時普地六種震動。天雨妙華，以散其上。

自然音樂，空中讚言：『決定必成無上正覺』。

# 【必成正覺第七】經文 (1/2) (魏譯本)

佛告阿難：爾時，法藏比丘說此願已，以偈頌曰：

- 01 我建超世願，必至無上道，斯願不滿足，誓不成等覺。
- 02 我於無量劫，不為大施主，普濟諸貧苦，誓不成等覺。
- 03 我至成佛道，名聲超十方，究竟靡不聞，誓不成等覺。
- 04 離欲深正念，淨慧修梵行，志求無上尊，為諸天人師。
- 05 神力演大光，普照無際土，消除三垢冥，明濟眾厄難。



# 【必成正覺第七】經文 (2/2) (魏譯本)

- 06開彼智慧眼，滅此昏盲闇，閉塞諸惡道，通達善趣門。
- 07功祚成滿足，威曜朗十方，日月戢重暉，天光隱不現。
- 08為眾開法藏，廣施功德寶，常於大眾中，說法師子吼。
- 09供養一切佛，具足眾德本，願慧悉成滿，得為三界雄。
- 10如佛無礙智，通達靡不照，願我功德力，等此最勝尊。
- 11斯願若剋果，大千應感動，虛空諸天神，當雨珍妙華。

佛語阿難：法藏比丘，說此頌已，

應時普地六種震動，天雨妙華，以散其上。

自然音樂，空中讚言：『決定必成無上正覺。』

## 【必成正覺第七】 (1/56)

法藏比丘於世間自在王如來，說四十八願已，

乃於佛前復以偈頌表此行願，並請證明。

以大願真誠深廣故，應時感得雨花地動。

空中讚云，必定成佛。以上是本品內容。

## 【必成正覺第七】 (2/56)

01 我建超世志，必至無上道，斯願不滿足，誓不成等覺。

「我建超世志」。「建」者，立也。

所謂「超世志」者，注經家中頗有異解。

如淨影云：

「前所發中，求法身願、求淨土願，名超世願。」

淨影以《魏譯》

光明無量願、壽命無量願與諸佛稱揚願，為攝法身願。

國土清淨願、國土嚴飾願為攝淨土願。

淨影僅許此五願，超出世間也。憬興同之。

義寂、望西等則謂總指所發之四十八願，後說甚是。

## 【必成正覺第七】 (3/56)

01 我建超世志，必至無上道，斯願不滿足，誓不成等覺。

《甄解》曰：

「吾祖(善導)言不可思議四十八願，又云無礙誓願。世人以謂此四十八願者，願願各頭，喻粟與柿相並耳。皆是隔歷不融之見而已。今不然，喻如一匹蜀錦，巧織成華果枝葉，似根莖枝葉有別，而所織成，但匹錦耳。今亦如是，雖數有四十八，而但是一正覺善巧所莊嚴。

……故曰無礙誓願，又曰不可思議四十八願。

四十八，一一願皆具不可思議德故。

諸願相入，而無所隔，名無礙。」

由上可見四十八願互融互入，一一皆是超世之願也。

# 【必成正覺第七】 (4/56)

01 我建超世志，必至無上道，斯願不滿足，誓不成等覺。

又善導大師於《法事讚》中云：

「弘誓多門四十八，遍標念佛最為親。

(人能念佛佛還念，專心想佛佛知人。)」

是謂一一之願悉為念佛也。

又《往生論》謂三種莊嚴入一法句。

一法句者，真實智慧無為法身。

法藏菩薩大願攝三種莊嚴，究竟圓滿，  
圓入一法句，真實智慧無為法身。且以「聲字皆實相」

故此「南無阿彌陀佛」一句名號，

即是法身本體，即是圓圓果海。

乃四十八願之所標，故體具本願一切功德妙用。



## 【必成正覺第七】 (5/56)

01 我建超世志，必至無上道，斯願不滿足，誓不成等覺。

又此名號，是性德之本體，修德所圓成，  
性修二德圓攝無餘。

今四十八願，遍標念佛，願願皆攝佛之果德，  
一一全顯無為法身，故可悉謂為攝法身也。  
諸願互融相入，無所隔礙。

一一願含無量不可思議無上殊勝之願，無有限量。

進言之，則所云「四十八」者，  
亦只是隨順眾生之假名，實則本願無量也。  
又本願之數雖無量，但究竟只是一法句也。



## 【必成正覺第七】 (6/56)

01 我建超世志，必至無上道，斯願不滿足，誓不成等覺。

至於對「超世」之解，諸家亦復不同。

義寂謂為超勝地前世間之位，故名超世。

憬興謂為地前十向滿位一重發心。

蓋均謂為初地之前也。

善導、曇鸞等師，則大異於是。如曇鸞師謂：

「法藏菩薩於世間自在王佛所，悟無生法忍，爾時位名聖種性（此乃《瓔珞經》中六種性之第四種，即十地菩薩），於此性中發四十八願。」

善導大師亦判為十地菩薩之發心。故均遠超地前之說。

## 【六種性】

出自《菩薩瓔珞本業經》卷上〈賢聖學觀品3〉。

菩薩從因至果之行位而言，分六種性：

(一)習種性：十住，研習空觀，破除見思惑。

(二)性種性：十行，不住於空，

以假觀分別一切法性而教化眾生。

(三)道種性：十迴向，修中道妙觀，通達一切佛法。

(四)聖種性：十地，依中道妙觀，

破一分無明而證入聖位。

(五)等覺性：等覺位。

(六)妙覺性：妙覺位，乃佛果地位，

妙極覺滿，故稱妙覺性。

## 【必成正覺第七】 (7/56)

01 我建超世志，必至無上道，斯願不滿足，誓不成等覺。

復以法藏菩薩大願，不但超過三乘，且超踰諸佛願也。

經云：法藏發願之初，

便言「我立是願，都勝無數諸佛國者。」

《後出偈經》云：

「發願喻（超也）諸佛，誓二十四章。」

經中成就文曰：

「微妙奇麗，清淨莊嚴，超踰十方一切世界。」

「阿彌陀佛，光中極尊，佛中之王。」

可見法藏菩薩超世之願，亦超踰諸佛之願也。

## 【必成正覺第七】 (8/56)

01 我建超世志，必至無上道，斯願不滿足，誓不成等覺。

極樂世界，無量清淨莊嚴，  
全顯當人自性，心作心是，理事無礙。

水鳥樹林宣流正法，聲色香光悉增道念，  
重重無盡，自在無礙，全是圓明具德不可思議，  
舉體是事事無礙法界。

復以聞名便登不退，見樹契悟無生，  
十念必生淨土，凡夫例登補處，  
此皆十方國土之所無，極樂同居所獨有。  
故云無上殊勝超世之願也。

# 【必成正覺第七】 (9/56)

01我建超世志，**必至無上道**，斯願不滿足，誓不成等覺。

「**必至無上道**」。

「**道**」者，**菩提**也。

如來所得之道，更無有能超越而居其上者，故曰**無上道**，即**無上正等正覺**也。

如《法華經壽量品》：

「每自作是意，以何令眾生，  
得入無上道，速成就佛身。」

法藏菩薩亦復如是，欲令眾生**至無上道**。

至於「**必至**」者，可有二解：



# 【必成正覺第七】 (10/56)

01我建超世志，必至無上道，斯願不滿足，誓不成等覺。

一、「必至無上道」者，本願主體也。

一一願中，皆以正覺自誓，

如次之二句「斯願不滿足，誓不成等覺」。

蓋四十八願，具體願文雖各有異，但大願共本，實為入無上道同成正覺也。

故《法華勸持品》曰：「我不愛身命，但惜無上道。」

是乃以「無上道」為大願之主體也。

二、以無上道為大願之果也。《淨影疏》曰：

「得果決定(即決定得果)，故云必至無上道矣。」



# 【必成正覺第七】 (11/56)

02復為大施主，普濟諸窮苦，令彼諸羣生，長夜無憂惱。

「復為大施主，普濟諸窮苦」。

「大施主」者，於一切人行大施。

至於所施者，為是財耶？法耶？

淨影師云「法施化益」，是謂法施；

憬興師非之曰「欲濟貧苦，必財施故」，是謂財施也。

又《宗鏡錄九十五》曰：「以無法財，名為貧窮。」

故知普濟貧苦，即須法、財並施。

# 【必成正覺第七】 (12/56)

02復為大施主，普濟諸窮苦，令彼諸羣生，長夜無憂惱。

故〈積功累德品〉曰：

「恆以布施、持戒、忍辱、精進、禪定、智慧，  
六度之行，教化安立眾生，住於無上真正之道。」  
是為法施；

經中復云：

「手中常出無盡之寶，莊嚴之具。  
一切所須最上之物，利樂有情。」是即財施也。

故知大施主必須財法二施。如《會疏》曰：

「以財濟世貧，以法周無福，故曰大施主。」

蓋謂以財施救濟世間貧窮困苦之人，

以法施普利無福聞法之士，故名為「大施主」也。

## 【必成正覺第七】 (13/56)

02復為大施主，普濟諸窮苦，令彼諸羣生，長夜無憂惱。

03出生眾善根，成就菩提果，我若成正覺，立名無量壽。

「令彼諸羣生，長夜無憂惱」。

「長夜」，喻眾生之沈淪生死，常云生死長夜。

夜表冥闇無光，眾生無明覆心，昏迷不覺，沉生死海，枉受諸苦。為令永離一切憂悲苦惱，出生死長夜，故予財法二施。而其中慈悲至極者，則為令其

「出生眾善根，成就菩提果」。一切施中，此施最上。令一切眾生，離究竟苦，得究竟樂也。但欲令眾生出生善根，成就菩提，則莫若持佛名號，求生極樂。

## 【必成正覺第七】 (14/56)

03 出生眾善根，成就菩提果，我若成正覺，立名無量壽。

04 眾生聞此號，俱來我剎中，如佛金色身，妙相悉圓滿。

故下曰：「我若成正覺，立名無量壽，眾生聞此號，俱來我剎中。」

此四句乃大願之心，全經之眼，

十方如來度生之妙手，一切眾生出苦之寶筏。

四十八願全是此四句之開演，如善導大師所謂

願願皆標念佛也。阿彌陀聖號，具無量義，無量壽、無量光、無量清淨、無量莊嚴、無量智慧、無量菩提，乃至無量之無量。無量壽表常住法身，故以無量壽攝一切。如來名號，普聞十方。聞名眾生，俱來我剎。以稱名故，即多善根。得生淨土，必證菩提。殊勝圓滿，究竟方便。彌陀大願，所以超世，並號願王者，正在此也。

## 【立名無量壽】

據《悲華經》，有轉輪王名無諍念，  
係阿彌陀如來於因位為轉輪聖王時之名。  
供養寶藏如來，發菩提心，願求清淨國土，  
佛為其改字為「無量清淨」，  
並授記未來於安樂世界成佛，號「無量壽如來」。

今經，法藏菩薩已經自知將來成佛號「無量壽」，  
故知「無量清淨菩薩」為法藏菩薩前身；  
且法藏位次非比尋常，因為，一般是佛為菩薩授記  
將來成佛之名號；而現在是法藏已自知成佛名號，  
以佛名號來接引眾生，往生至淨土中！



## 【必成正覺第七】 (15/56)

04眾生聞此號，俱來我剎中，如佛金色身，妙相悉圓滿。

05亦以大悲心，利益諸羣品，離欲深正念，淨慧修梵行。

「如佛金色身，妙相悉圓滿」。

願來生我剎之人，身相如佛，身皆金色同具卅二相。  
此即願文中之第三第四兩願之重述，但更殊勝圓滿，因悉皆如佛也。

「亦以大悲心，利益諸羣品」，

上二句指身德，此二句則表心德。

句首「亦以」二字，應著眼。蓋願凡來我剎之人，亦能如我(法藏)以大悲心利益羣品，故云「亦以」。



## 【必成正覺第七】 (16/56)

04眾生聞此號，俱來我剎中，如佛金色身，妙相悉圓滿。

05亦以大悲心，利益諸羣品，離欲深正念，淨慧修梵行。

蓋願剎中人民，皆能如佛，視諸眾生等同一體，  
均發同體大悲之心也。

如《華嚴經行願品》云：

「因於眾生而起大悲，因於大悲生菩提心，  
因菩提心成等正覺。」

故願來生我剎之人，發大悲心，普利羣品。

品者品類。「利益諸羣品」

即普利一切種類之無數眾生。

## 【必成正覺第七】 (17/56)

05亦以大悲心，利益諸羣品，離欲深正念，淨慧修梵行。

「離欲深正念，淨慧修梵行」。「欲」指貪欲。

《四十二章經》云：「離欲寂淨，是最為勝。」

「正念」者，八聖道之一，

離邪分別，而念法之實性，名正念。

《觀經疏》云：「捨相入實，名為正念。」

「淨慧」者，《會疏》云：「淨慧則是般若波羅密，

非人天小乘不淨之慧，故名淨慧。」

「梵行」者，清淨無欲之行。為《涅槃》五行之一，菩薩利他之行，能為一切不善之對治，離過清淨，故名梵行。又證涅槃之萬行，名梵行。

# 【涅槃五行】

出自《大般涅槃經》卷十一〈聖行品〉。

- 1.聖行：修戒定慧三行，乃入聖之要行(地前自行)。
- 2.梵行：於空、有二邊無愛染，以此淨心運慈悲，起利他行，拔眾生苦與眾生樂(地前化他)。
- 3.天行：菩薩依第一義天之理而成妙行(初地內證)。
- 4.嬰兒行：以慈悲心，示同人天、聲聞、緣覺小善之行而廣度眾生(地上應善用)。
- 5.病行：病乃喻煩惱、業、苦。謂菩薩以平等心運無緣大悲，俯同眾生，現煩惱病苦之相，化他利生，故名病行(地上應惡用)。

～《中華佛教百科全書》

## 【必成正覺第七】 (18/56)

05亦以大悲心，利益諸羣品，離欲深正念，淨慧修梵行。

《會疏》：「欲是諸苦之因，施(度)戒(度)能離之。

正念是善護助，如著鎧入陣，忍(度)定(度)能為之。

淨慧則是般若波羅蜜(度)。」

「精進一度總通五故。是則菩薩六度也。」

望西師稍異於此，以離欲為施戒忍，正念為禪定。

總之皆謂離欲、正念與淨慧，即是菩薩之六度。

修此六度，能離貪瞋癡三毒，故曰梵行。

望西師又云：

「離欲即無貪，善正念無瞋，淨慧無癡，此名梵行。」

# 【必成正覺第七】 (19/56)

06願我智慧光，普照十方刹，消除三垢冥，明濟眾厄難。

上段表無量壽，本段表無量光。

無量壽，體也。無量光，相用也。

從此體相用，流出無邊之化德化益。

善導大師《四帖疏·定善義》曰「一一誓願為眾生」

今此偈頌正顯是心。

「願我智慧光，普照十方刹」。

「智慧光」者，有二義：

一者，如《涅槃經》云：「光明名為智慧。」

又《超日明三昧經》曰：「大智發外，能照法界，名為光明。」詳見前「光明慧辯願」註。茲不俱引。



## 【必成正覺第七】 (20/56)

06願我智慧光，普照十方刹，消除三垢冥，明濟眾厄難。

二者，如曇鸞大師《讚阿彌陀佛偈》曰：

「佛光能破無明闇，故佛又號智慧光。」

上句，義同前。

下句，則表「智慧光」是彌陀聖號之一，

亦彌陀十二光明之一。「願我智慧光」是《宋譯》

之文，在《唐譯》則為「願獲如來無量光」，

據此則智慧光即無量光。且彌陀雖列十二名，

實則一一名中，均圓攝餘之光德，故知智慧光

亦無量、無邊、無礙、無等、常照、清淨等光也。

是故下句即「普照十方刹」。



## 【必成正覺第七】 (21/56)

06願我智慧光，普照十方刹，消除三垢冥，明濟眾厄難。

無量光，則橫遍十虛，故無刹不照。

且此光明即是智慧，能照破眾生無明之垢闇，故此下重顯智光妙用，而曰消除垢冥等等。

「消除三垢冥，明濟眾厄難」。

「三垢」者，貪瞋癡三毒之異名。

「冥」者，無知也。《俱舍論一》曰：

「以諸無知，能覆實義，及障真見，故為冥。」

## 【必成正覺第七】 (22/56)

06願我智慧光，普照十方刹，消除三垢冥，明濟眾厄難。

「明」者，顯也，備也，盛也，成也。

「濟」者，度也，救也。

「明濟」，於《會疏》本作「廣濟」，  
故知明濟即廣度之義。

「厄」者，礙也，縛也，難也。

「難」，苦難、災難、困難也。

故此二句之淺釋即為，  
消除眾生貪瞋癡三毒之垢暗，廣救種種痛苦與災難。  
厄難眾多無數，故云眾厄難。佛之智光，悉能明濟。

## 【必成正覺第七】 (23/56)

06願我智慧光，普照十方刹，消除三垢冥，明濟眾厄難。

如《會疏》曰：

「三垢是貪瞋癡。此三垢染心性，故名垢。

令眾生盲冥，故云冥，

是流轉因（流轉生死之因）。

眾厄難，是其果，謂六趣四生也。

佛光普流清淨、歡喜、智慧之德，消除三障之冥。

集因既滅（消滅集諦之苦因），

苦果盡止（終止流轉之苦果），故云廣濟等。」

雪廬老人淨土詩偈

選佛場中各自勤  
最難三寶日同臨  
他年一例蓮池會  
自是彌陀平等心



# 迴向偈

願以此功德，莊嚴佛淨土。  
上報四重恩，下濟三塗苦。  
若有見聞者，悉發菩提心。  
盡此一報身，同生極樂國。